



24. november 2020
Atassut

UKA 2020/98
Bentiaraq Bendtsen Ottosen

Konfliktråd-imut inatsit nr. 467 12. juni 2009-meersoq, tassa pineqaatissereersimanerup qaangernerani pinerlussimasup pinerluffigineqartullu akornanni kiinneqatigiilluni oqaloqatigiissinnaanermut siunnersuineq, Kunngip akuerisaanik Kalaallit Nunaanut atuutilersinneqarsinnaasunnngortikkumallugu Naalakkersuisut danskit Naalakkersuisuinut isumaqatiginninniarnissaannik peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Aleqa Hammond, Nunatta Qitornai)

Atassummiit isumaqarpugut pinerluttulerinermut inatsit nunatsinni sakkortunerusumik inissisimasariaqartoq, uani eqqartorneqarmata inuit pinerluuteqarsimasut taakkulu isumaqarpunga inuiaqatigiinut sukkasuumik akuleruttarnerat tulluurtuungitsoq. Pinerluttulerinermut inatsit sukaterneqarluni inuiaqatigiini atuutilersinneqarnissaa pissusissamisoortutut isigineqartariaqarpoq, tassani pinerluffigineqarsimasut toqqissillutik illoqarfisami inooqataasinnaanerat illersorumallugu.

Konfliktråd nunatsinni atorineqarnissaa paaseqqaarusunnarpoq qanoq pinerluffigineqarsimasunut tiguneqarsinnaanera, pissutigalugu nunatsinni inuiaqatigiit ataasiakkaat taamatut eqqugaasimasut qanoq isumaqarneri paasisaqarfigeqqaarusukkatsigit. Illuatungaani inuit 5 mio. sinnerlugit inulimmut nalimmassaasimaneq konfliktråd pillugu tusaalluarsinnaavarput, taamaammatt taakkua pillugit isumaqatiginninarsinnaaneq killilerujussuusinnaasoq isumaqarpunga.

Inatsisinik sinaakkuteqartariaqarpugut suli inuiaqatigiini toqqissimatitsinerusinnaasunik, taamaattumik isumaqarpunga akkerliit pillugit suliaqartussaataaneq inunnik nalunaarsuutit pillugit illersuinissaq pisariaqartoq, soorlu akkerliit pineqarpata pisariaqavitsillugu toqqaanartumik atuutilersingikkaluarlugu kisianni pinerluffigineqarsimasut aatsaat piumappassuk atorsinnaallugu ingerlasoqarsinnaanera orniginartipparput.

Atassummiit anguniartuarsimavarput illuatungeriit aamma oqaloqatigiinermikkut aaqqiisuteqarsinnaanerat, kisiannili pinerluuteqarsimasoq aamma pinerluffigineqarsimasoq immikkut tamarmik illersorneqarnissaat pillugu isumaqatiginninniartussaataaneerat paaseqqaarusupparput misissuiffigeqqaarusullugulu, misissuinermilu inerniliussat 1-10-mut qanoq inissisimaneri takoqqaarusussimavarput.

Taamatut oqaaseqarluta toqqaanartumik itigartinngikkaluarlugu ataatsimiitsitaliamut innersuupparput, eqqugaasimasut qanoq isumaqarneri paaseqqaarusukkatsigit.